



Sabtu, 26 Agustus 2023

Ogen : 1Samuel 25:18



Nikapken Pemindon



Abigail, sekalak diberu si nggit megiken isi pusuh anak buah perbulangenna. Ipergermetkenna teptep kata si ibelasken anak buahna e nari. Ituriken anak buah e kesalahen tuanna, la minter ia merawa. Alu saber ibegikenna kai si jadi. Janah ibegikenna rukur ia kai si man bahanen.

Abigail, diberu si pentar. Ietehna kai si man bahanen kenca ia megimegi alu dem kesabaren. Merawa man Nabal labo lit ertina. Isinikenna saja pe labo payo. Adi itimaina saja reh rawa Daud tentuna mate perbulangenna. La ipilhna teluna si banci encedaken e, alu pedas-pedas minter ibahanna roti, isikapkenna lau anggur, ras 200 kue buah ara si enggo ikerahken jenari itamakenna kerina ku das keledena. Perbahanen si mehuli ilakokenna.

Abigail, tetap rukur positif ras beluh makeken waktu. Ukur si mehuli e la itimaina pagi entah kedun guna ndalankensa. I je datna rukur mehuli mis i je idalankenna. Entah banci kari arah kai si ibahna e nusur rawa Daud man perbulangenna. Pengarepenna tuhu-tuhu jadi simehulina.

Inisiatif Abigail enda situhuna alkitabiah. Me bujur nge kita nampati man kalak si enggo leben nampati kita? Kai si ibahan Daud situhuna enggo ndauh ulin asangkan kai si ipindona man Nabal. Saja Nabal si la beluh ngatakan bujur megombang man Daud. Tapi, Abigail ngidah si mehuli si ibahan Daud e, beluh ngatakan bujur. Labo akapna rugi mere sabap enggo leben ia isampati. La kin bage arusna kita i bas kegeluhen enda? Dibata enggo leben mereken kegeluhen man banta, me bujur kita ngatakan bujur alu ngendesken sada bain si lit i bas kita?

Diberu si pentar beluh ngatakan bujur



[The main body of the page is a large, blank white area with a wavy top edge, intended for writing.]